



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 20. De falsis prophetis.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

Sacramentorum &c. ab ijs accipias, qui ad hoc à Deo ordinati sunt; tum vt à superioribus (si religiosus es) te regi ac gubernari permittas, atque ex eorum manu seu ordinatione omnia accipias, tanquam si à Deo singulariter (vti vere fit) te per eos gubernante immitterentur. Itaque totam tui, curam, Deo & illis committas.

6. Christus erga suos valdè liberalis est, vt eos, si non pretiosis & exquisitis, saltem ita satiet, vt illis supersit: quod maximè in spiritualibus obseruat.

7. Reliquiæ colligendæ sunt non tantum in corporali cibo (ne quid pereat quod pauperibus vsui esse posset) sed etiam in spiritali, vt si quid tibi supersit, cum alijs libenter communices, pijs colloquijs, ope, opera.

8. Liberalitas pro Deo impensa, non est bonorum dispendium; sed Deus, (præter mercedem æternam, quam in celo dabit) sæpe tribuit externa bona, si nobis expediat: Sicut hic ex 7. panibus, habent 7. sportas fragmentorum.



MEDITATIO XX.

DE FALSIS PRO-

PHETIS.

PVNCTA MEDITATIONIS.

I. Attendite à falsis Prophetis. Veniunt *Matt. 7.*
ad vos in vestimentis ovium; intrinsecus autem sunt lupi rapaces.

X 4

II. A fru-

II. A fructibus eorū cognoscetis eos, arbor
mala non potest bonos fructus facere.

Ideo excidetur & in ignem mittetur.

III. Non omnis, qui dicit, Domine, Do-
mine, intrabit in regnum cœlorū, sed
qui facit voluntatem Patris.

FIGURA.

2. Re. 22. **F**alsi propheta Saiah namissi prophetat
Regi Achab fausta; solus Michæas di-
cit verum.

PROPHETIÆ.

Eze. 13. 3. **V**æ Prophetis insipientibus, qui sequun-
tur spiritum suum, & nihil vident.

Hier. 23. 21. Prophetabant de corde suo mendacium, ipsi
currebant & non mittebam eos.

Isa. 3. 12. Popule meus, qui te beatum dicunt; ipsi te
decipiunt.

DOCUMENTA.

I. **F**alsi prophetis. Tales sunt hoc tem-
pore præcipue hæretici, qui prophetant
seu annūciant, ex corde suo mendaciū,
iactantes: *Verbum Domini*, cum sit verbū
nō Domini, sed illorū. 1. quia addunt, demūt,
mutilant, reiiciunt aliquas scripturas quia vi-
dentur esse contra illorū dogmata v. c. epistolā
S. Iacobi. Lutherus vocavit stramineam, quia
laudat bona opera; quæ ipse reiicit. 2. quia reli-
cta versione Bibliorum veteri à primitiua Ec-
clesia accepta, novas versiones quotidie fabri-
cant.

MEDITATIONVM. 491

cant. 3. quia novos sensus comminiscuntur, & Scriptura affingunt, quicquid ipsi prius de prauata opinione conceperint; etiam si nullus veterum eo modo scripturam acceperit.

2. *Veniunt in vestimentis ouium.* Hæ sunt alia duæ notæ falsorum prophetarum. 1. quia carent missione legitima, non habent villos ordines, vel potestatem predicandi, nisi forte à Magistratu, vel ab aliqua muliere (vt in Anglia & alibi factum scimus,) 2. sub vestimentis ouium, simulata aliqua pietate aut sanctitate conatur decipere; & simulata aliqua modestia (prout apud Anabaptistas fit) horrenda scelera & impuritares tegunt, atq; obuelant. 3. intrinsecus sunt lupi rapaces, id est, habent animū ferum, crudelem, quem cōtra Catholicos (vbi occasio datur) exserunt, vt in primis tumultibus Belgij, & in Gallia, atq; Anglia, contra tot Martyres, Calvinistæ fecerunt.

3. *Falsi etiam propheta suo modo, sunt.* Demon, Mūdus, Caro, amici &c. qui à Deo, aut virtutis via, quæ ad Deum ducit, retrahentes, spondent longam vitam, honores, voluptates, & ea, quæ carni dulcia sunt, & suauia; sed animam mergunt tandem in interitum, cū sãcti qui Deo seruiuerunt, contrarium egerint.

4. *A fructibus cognoscetis, tū quia heretici,* pulla omni vera pietate ac sanctimonia, doctrinaq; Catholica, impietatem atq; athismum induxerunt, vt fãse docet Tho. Stapletonus atq; alij; tū, quia *Mundus, Caro, &c.* reddunt conscientiam inquietam, feruorem pietatis tollunt, tentationes augent, creant inconstantiam in vocatione.

5. Homo cōparatur arbori, quæ in terra plantata, fructus sursum proferit; sic homo, licet in terra sit, cōuersationem debet habere in cælis,

ac fructus coelestes producere, quia gratiæ aqua ex Sacramentis tanquam fontibus hausta irrigantur: hoc si non agit, excidetur à gratia & à familiaritate Christi exclusus mitteretur in ignem vel prauorum desideriorum (in hac vita) vel gehennæ, in futura.

6. Deus vitam aternam tanquam mercedem dat operantibus qui vocati satisfaciunt, & Deum non tam voce, quam vitæ probitate inuocant ac laudant.



MEDITATIO XXI.

DE VILICO IN-

QUITATIS.

PVNCTA MEDITATIONIS.

- Luc. 16. I. Villicus diuitis, infamatus apud Dominum, quod bona dissipasset, vocatur vt reddat rationem villicationis suæ.*
- II. At ille territus, cogitat intra se modū euadendi, scilicet, singulis debitoribus Domini sui aliquid remittendo.*
- III. Laudat Dominus eum, quod consiliū sibi vtile inuenerit, monens nos, vt faciamus nobis amicos qui in aeterna tabernacula nos suscipiant.*

PROPHETIA.

Baruch. 3. 25. O Israel, quam magna est domus Dei, & ingens locus possessionis eius? magnus est, & non habet finem.

D. C. CV.